



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU KLADUŠKE STRANKE PRIVREDNOG PROSPERITETA

Broj: 03-07-6-647/13
Sarajevo, 8. april 2013. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI REVIZIJE.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Kladaške stranke privrednog prosperiteta za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i člana 15.10 Izbornog zakona BiH, te uspostavljanje efikasnog sistema internih kontrola

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2012. godinu, utvrđeno je da je Kladaška stranka privrednog prosperiteta prekršila odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine

Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Kladaške stranke privrednog prosperiteta za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju Kladaška stranka privrednog prosperiteta je iskazala prihode u iznosu od 20.767,46 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00%
2	Prilozi fizičkih lica	200,00	0,96%
3	Prilozi pravnih lica	5.800,00	27,93%
4	Prihodi od imovine	2,26	0,01%
5	Prihodi od pr.lica	0,00	0,00%
6	Prihodi od poklona	77,30	0,37%
7	Prihodi iz budžeta	14.687,90	70,73%
	Ukupni prihodi:	20.767,46	100,00%

U godišnjem finansijskom izvještaju Kladaška stranka privrednog prosperiteta je iskazala ukupne rashode u iznosu od 20.543,97 KM.

2. PREDSTAVLJANJE POLITIČKE STRANKE

Naziv političke stranke: Kladaška stranka privrednog prosperiteta. Skraćeni naziv stranke: KSPP.

Kladaška stranka privrednog prosperiteta je Rješenjem Općinskog suda u Bihaću, broj: 027-0-Reg PO-06-00001 od 29.12.2006. godine u sudski registar političkih organizacija.

Sjedište političke stranke je u Velikoj Kladaši, Poljanak bb.

Lice ovlašteno za zastupanje stranke je Boris Horvat, predsjednik.

Lice ovlašteno za podnošenje finansijskih izvještaja za 2012. godinu je Almir Jušić.

Prema podacima iz godišnjeg finansijskog izvještaja za 2012. godinu, Kladaška stranka privrednog prosperiteta nema niže nivoe organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kladuške stranke privrednog prosperiteta za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Kladuške stranke privrednog prosperiteta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na priloge pravnih lica, prihode iz budžeta, kao i troškove izborne kampanje.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Kladuške stranke privrednog prosperiteta za 2009., 2010. i 2011. godinu, nakon čega su izdati izvještaji o pregledu sa mišljenjem revizora, nalazima i preporukama.

Služba za reviziju izvršila je pregled godišnjeg finansijskog izvještaja Kladuške stranke privrednog prosperiteta za 2011. godinu, nakon kojeg je izdat izvještaj o pregledu sa mišljenjem revizora i nalazima revizije. Prema mišljenju Službe za reviziju, Kladuška stranka privrednog prosperiteta postupala je u skladu sa Zakonom o finansiranju političkih stranaka.

5. NALAZI I PREPORUKE REVIZIJE

5.1. NALAZI REVIZIJE

Kladuška stranka privrednog prosperiteta je prekršila odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Pregledom je utvrđeno da Kladuška stranka privrednog prosperiteta nije vodila pravilne evidencije o svojim prihodima, rashodima i obavezama i nije obrasce godišnjeg finansijskog izvještaja popunila u skladu sa odredbama tada važećeg Pravilnika o godišnjim finansijskim izvještajima političkih stranaka („Službeni glasnik BiH“, broj 61/06) - u daljem tekstu: Pravilnik.

(1) Kladuška stranka privrednog prosperiteta nije u svojim poslovnim knjigama evidentirala i u godišnjem finansijskom izvještaju za 2012. godinu iskazala troškove i obaveze za poreza na dohodak i doprinose na isplaćena sredstva fizičkim licima po osnovu putnih troškova u 2012. godinu. Služba za reviziju je utvrdila da je KSPP obračun poreza i doprinosa na isplaćena sredstva fizičkim licima u 2012. godini izvršila 31.12.2013. godine.

- (2) Pregledom je utvrđeno da je Kladaška stranka privrednog prosperiteta u godišnjem finansijskom izvještaju i poslovnim knjigama iskazala prihode i rashode u većem iznosu u odnosu na ostvarene za 2.000,00 KM.

Uvidom u obrasce 3-f (prihodi iz budžeta) i 3 (ukupni prihodi političke stranke), utvrđeno je da je Kladaška stranka privrednog prosperiteta kao prihode iz budžeta BiH iskazala povrat sredstava po osnovu takse za ovjeru političke stranke na Lokalnim izborima 2012. godine u iznosu od 2.000,00 KM, što je suprotno odredbama člana 19. i člana 13. Pravilnika.

Takođe je utvrđeno da je stranka u obrascima rashoda 4 (ukupni rashodi političke stranke) i 4-1 (režijsko-administrativni i ostali troškovi) iskazala troškove po osnovu takse za učešće na Lokalnim izborima 2012. godine u iznosu od 2.200,00 KM, čime su prekršene odredbe člana 20. i člana 21. Pravilnika.

Naime, Kladaška stranka privrednog prosperiteta je u svrhu prijave za učešće na Lokalnim izborima 2012. godine uplatila taksu u iznosu od 2.200,00 KM. Obzirom da su joj tokom godine, a nakon ovjere rezultata izbora, vraćena sredstva u iznosu od 2.000,00 KM, stranka je po osnovu takse ostvarila troškove u iznosu od 200,00 KM, a ne u iznosu od 2.200,00 KM, koliko je iskazala u obrascu 4-1.

- (3) Kladaška stranka privrednog prosperiteta nije u obrascu 5 (pozajmice, krediti i dugovi) godišnjeg finansijskog izvještaja iskazala obaveze po osnovu zakupnine iz ranijeg perioda u iznosu od iznosu od 1.200,00 KM, čime je prekršila odredbe člana 23. Pravilnika.

- (4) Pregledom je utvrđeno da je Kladaška stranka privrednog prosperiteta u obrascu 4-2 (troškovi propagande) godišnjeg finansijskog izvještaja iskazala troškove propagande u manjem iznosu u odnosu na podatke iz obrasca 4-2 postizbornog finansijskog izvještaja.

Prema podacima iz poslovnih knjiga i godišnjeg finansijskog izvještaja za 2012. godinu, Kladaška stranka privrednog prosperiteta je ostvarila troškove propagande u iznosu od 6.936,79 KM, dok je u postizbornom finansijskom izvještaju iskazala troškove propagande u iznosu od 10.047,54 KM.

Troškovi izborne kampanje

Kladaška stranka privrednog prosperiteta postupila je u skladu sa odredbama člana 15.10 Izbornog zakona Bosne i Hercegovine, odnosno ostvarila je troškove izborne kampanje u okviru zakonom utvrđenog limita.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM¹ po biraču u svakom izbornom krugu, prema broju birača koje je objavila Centralna izborna komisija BiH. Kladaška stranka privrednog prosperiteta je, prema podacima Centralne izborne komisije BiH, u svrhu izborne kampanje mogla da potroši 39.426,90 KM.

Prema evidencijama iz poslovnih knjiga Kladaška stranka privrednog prosperiteta je ostvarila troškove izborne kampanje u iznosu od 6.936,79 KM KM.

¹ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Kladuškoj stranci privrednog prosperiteta da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi potpune evidencije o prihodima i rashodima i*
- *da finansijske izvještaje podnosi u formi koju je odobrila Centralna izborna komisija BiH, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Kladuška stranka privrednog prosperiteta je dostavila odgovor na Preliminarni izvještaj o pregledu godišnjeg finansijskog izvještaja za 2012. godinu.

U skladu sa odredbama člana 14. stav (3) Zakona o finansiranju političkih stranaka i preporukama Službe za reviziju, Kladuška stranka privrednog prosperiteta je u 2013. godini izvršila obračun i uplatu poreza na dohodak i pripadajućih doprinosa na sredstva isplaćena fizičkim licima po osnovu putnih troškova u 2012. godini u iznosu od 5.175,00 KM, što je Služba za reviziju uvažila i u tom dijelu je izmijenila nalaze.

Kladuška stranka privrednog prosperiteta je u svom odgovoru istakla da će se u budućem radu pridržavati Zakona o finansiranju političkih stranaka i Pravilnika o godišnjim finansijskim izvještajima političkih stranaka.

šef Odsjeka za revizijske poslove, revizije

Sanja Tošović

šef Službe za reviziju

mr. sc. Hasida Gušić